

## Hercegovačko-neretvanskog kantona

Odjeljak D. Raspodjela prihoda

## Član 16.

(1) Omjer raspodjele prihoda od prodajne cijene mineralne sirovine iz člana 3. ovog Pravilnika utvrđuje se na način:

- 45% prihod je Budžeta Kantona;
- 55% prihod je jedinica lokalne samouprave.

(2) Prihod iz stava (1) ovog člana uplaćuje se prema omjerima u Budžet Kantona i jedinice lokalne samouprave.

## Član 17.

Nadzor nad uplatom prihoda od prodane mineralne sirovine iz člana 3. ovog Pravilnika provodi Ministarstvo i Ministarstvo finansija HNK.

## Član 18.

U slučaju da kupac mineralne sirovine iz člana 3. ovog Pravilnika u ugovorenom roku ne plati ugovorenu cijenu, Ministarstvo će o tome obavijestiti nadležno pravobranilaštvo, radi preduzimanja daljih pravnih radnji u svrhu zaštite javnog interesa.

**POGLAVLJE II. POSTUPANJE S MINERALNOM SIROVINOM I JALOVINOM KADA MINISTARSTVO ODLUČI DA NEĆE RASPOLAGATI ISTOM**

## Član 19.

(1) U slučaju da Ministarstvo u roku propisanom u članu 6. ovog Pravilnika, odluči da neće raspolagati mineralnom sirovinom stavljenoj joj na raspolaganje, o istome će donijeti odluku i obavijestiti investitora i jedinicu lokalne samouprave.

(2) U slučaju iz stava (1) ovoga člana, mineralnom sirovinom iz člana 3. ovog Pravilnika ima pravo raspolagati jedinica lokalne samouprave, pri čemu je u obavezi na odgovarajući način primijeniti odredbe ovog Pravilnika.

(3) Jedinica lokalne samouprave dužna je Ministarstvu, Ministarstvu finansija i nadležnoj inspekciji dostaviti izvještaj o postupanju s mineralnom sirovinom iz člana 3. ovog Pravilnika u roku 3 mjeseca od kada je stekla pravo na raspolaganje mineralnom sirovinom.

**DIO TREĆI – PRELAZNE I ZAVRŠNE ODREDBE**

## Član 20.

Do određivanja lokacija za odlaganje mineralne sirovine iz člana 3. na način propisan članom 5. ovog Pravilnika, Ministarstvo je dužno u roku od 15 dana

od dana zaprimanja obavještenja iz člana 3. ovog Pravilnika odrediti lokaciju za odlaganje mineralne sirovine i o istome obavijestiti investitora i jedinicu lokalne samouprave.

## Član 21.

Po odredbama ovog Pravilnika Ministarstvo će postupati i kada ima saznanja o postojanju odlagališta mineralnih sirovina i/ili jalovine koja nisu nastala usljed građevinskih radova.

## Član 22.

Ovaj Pravilnik stupa na snagu osmog dana od dana objave u „Službenim novinama Hercegovačko - neretvanskog kantona”.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
Ministarstvo privrede

Broj: 07-04-02-234-3/12  
Mostar, 04.09.2012. godine

MINISTAR  
Amer Zagorčić, s.r.

389

Na osnovu člana 55. stav (2) tačka b) Zakona o organizaciji uprave u Hercegovačko - neretvanskom kantonu („Službene novine HNK“, broj: 9/09), te na osnovu člana 17. stav (8) i člana 37. stav (3) Zakona o geološkim istraživanjima Hercegovačko - neretvanskog kantona („Službene novine HNK“, broj: 7/11), kantonalni ministar privrede, d o n o s i

**P R A V I L N I K**  
**O POSTUPKU IMENOVANJA I NAČINU RADA STRUČNE KOMISIJE ZA REVIZIJU IZVJEŠTAJA I ELABORATA O IZVRŠENIM GEOLOŠKIM ISTRAŽIVANJIMA OD INTERESA ZA KANTON I STRUČNE KOMISIJE ZA REVIZIJU ELABORATA O KLASIFIKACIJI, KATEGORIZACIJI I PRORAČUNU REZERVI MINERALNE SIROVINE, TE VISINI I NAČINU PLAĆANJA NOVČANE NAKNADE ZA RAD KOMISIJE**

**POGLAVLJE I. OPĆE ODREDBE**

## Hercegovačko-neretvanskog kantona

## Član 1.

Ovim Pravilnikom uređuje se postupak imenovanja, sastav i način rada stručne komisije za reviziju izvještaja i elaborata o izvršenim geološkim istraživanjima od interesa za kanton i stručne komisije za reviziju elaborata o klasifikaciji, kategorizaciji i proračunu rezervi mineralne sirovine, te visina i način plaćanja novčane naknade za rad komisije.

## POGLAVLJE II. POSTUPAK IMENOVANJA I SASTAV STRUČNE KOMISIJE ZA REVIZIJU IZVJEŠTAJA I ELABORATA O IZVRŠENIM GEOLOŠKIM ISTRAŽIVANJIMA OD INTERESA ZA HERCEGOVAČKO - NERETVANSKI KANTON

## Član 2.

Reviziju izvještaja i elaborata o izvršenim geološkim istraživanjima od interesa za Hercegovačko - neretvanski kanton vrši stručna komisija koju imenuje ministar privrede Hercegovačko - neretvanskog kantona (u daljem tekstu: ministar).

## Član 3.

(1) U komisiju se imenuju stručna lica (revidenti) geološke struke koji ispunjavaju uslove propisane članom 16. stav (1), (2) i (3) ovog Zakona i koji se nalaze na listi stručnih lica za povremeni rad u stručnim komisijama Ministarstva.

(2) Za predsjednika i člana komisije imenuje se jedan član iz Ministarstva privrede Hercegovačko - neretvanskog kantona (u daljem tekstu: Ministarstva) i jedan član iz Federalnog ministarstva energije, rudarstva i industrije, koji su geološke ili rudarske struke.

(3) Za reviziju dijela izvještaja i elaborata koji se odnose na specijalistička ispitivanja predviđena u članu 16. stav (4) Zakona o geološkim istraživanjima Hercegovačko - neretvanskog kantona u stručnu komisiju imenuju se lica odgovarajuće struke sa iskustvom na izradi ili reviziji od najmanje pet programa, projekata, izvještaja ili elaborata u oblasti koja je predmet revizije.

(4) Broj revidenata i sastav komisije ministar određuje prema vrsti istraživanja od interesa za Kanton, i prema vrsti i složenosti dokumentacije koja je predmet revizije.

## Član 4.

(1) Listu iz člana 3. stava (1) ovog Pravilnika utvrđuje Ministarstvo na osnovu provedenog javnog poziva za prijavu stručnih lica za povremeni rad u stručnim komisijama.

(2) Javni poziv iz stava (1) ovog člana objavljuje se u najmanje dva dnevna lista i na web stranici Ministarstva.

## POGLAVLJE III. POSTUPAK IMENOVANJA I SASTAV STRUČNE KOMISIJE ZA REVIZIJU ELABORATA O KLASIFIKACIJI, KATEGORIZACIJI I PRORAČUNU REZERVU MINERALNE SIROVINE

## Član 5.

Po zahtjevu privrednog društva - investitora za reviziju elaborata o klasifikaciji, kategorizaciji i proračunu rezervi mineralne sirovine (u daljem tekstu: elaborata), ministar donosi rješenje o imenovanju stručne komisije za reviziju elaborata.

## Član 6.

(1) Komisiju iz člana 5. ovog Pravilnika čine predsjednik, jedan član i dva stručna lica - revidenta.

(2) Za predsjednika i člana komisije imenuje se jedan član iz Ministarstva i jedan član iz Federalnog ministarstva energije, rudarstva i industrije, a koji ispunjavaju slijedeće uslove:

a) da je diplomirani inženjer geologije,

b) da ima položen stručni ispit i

c) da ima radno iskustvo u struci od najmanje tri godine.

(3) Za revidenta se imenuje stručno lice koje ispunjava uslove iz stava (2) ovog člana i koje se nalazi na listi iz člana 3. stava (1) ovog Pravilnika.

## POGLAVLJE IV. NAČIN RADA KOMISIJE ZA REVIZIJU ELABORATA O KLASIFIKACIJI, KATEGORIZACIJI I PRORAČUNU REZERVU MINERALNE SIROVINE

## Član 7.

Komisija iz člana 5. ovog Pravilnika vrši pregled valjanosti izrade elaborata, odnosno vrši provjeru usklađenosti elaborata sa važećim pravilnikom kojim se uređuje klasifikacija, kategorizacija i proračun rezervi pojedinih mineralnih sirovina.

## Član 8.

Ministarstvo je dužno revidentu, predsjedniku i članu komisije dostaviti rješenje o imenovanju komisije i originalni primjerak elaborata radi pregleda.

## Član 9.

(1) Revidenti, predsjednik i član komisije su dužni svoje izvještaje o pregledu elaborata u pismenoj

## Hercegovačko-neretvanskog kantona

formi dostaviti Ministarstvu najkasnije 10 dana od dana prijema rješenja i elaborata.

## Član 10.

Izveštaj iz člana 9. ovog Pravilnika obavezno mora sadržavati:

- a) ime i prezime člana komisije koji sačinjava izvještaj;
- b) opće podatke o elaboratu;
- c) numerički poredane primjedbe;
- d) sugestije i zapažanja ukoliko ih ima član komisije koji sačinjava izvještaj;
- e) konačno mišljenje i/ili prijedlog;
- f) datum i potpis člana komisije koji sačinjava izvještaj.

## Član 11.

Ministarstvo zakazuje održavanje revizije elaborata nakon što svi članovi komisije dostave svoje izvještaje.

## Član 12.

(1) Na reviziji elaborata su dužni prisustvovati svi članovi komisije.

(2) Svi članovi komisije su dužni, prilikom održavanja revizije, vratiti Ministarstvu dostavljene primjerke elaborata.

## Član 13.

(1) Na reviziji elaborata svi članovi komisije iznose usmeno primjedbe, sugestije i zapažanja koji su prethodno dostavljeni u izvještaju o pregledu elaborata.

(2) Na reviziji se raspravlja o svim iznesenim primjedbama, sugestijama i zapažanjima, i ukoliko je to potrebno svi primjerci elaborata se vraćaju autoru na ispravke i doradu u skladu sa primjedbama.

## Član 14.

U toku revizije voditelj postupka sastavlja zapisnik.

## Član 15.

Nakon izvršenih ispravki i dorade, autor elaborata dostavlja Ministarstvu ispravljene elabore, koje Ministarstvo dostavlja komisiji radi provjere da li je elaborat usklađen sa primjedbama i sugestijama.

POGLAVLJE V. NAČIN RADA KOMISIJE ZA REVIZIJU IZVJEŠTAJA I ELABORATA O IZVRŠENIM GEOLOŠKIM ISTRAŽIVANJIMA OD INTERESA ZA KANTON

## Član 16.

Odredbe Poglavlja IV. ovog Pravilnika odgovarajuće se primjenjuju na način rada komisije iz člana 2. ovog Pravilnika.

POGLAVLJE VI. VISINA I NAČIN PLAĆANJA NOVČANE NAKNADE ZA RAD KOMISIJE

## Član 17.

(1) Novčana naknada za rad komisije iz člana 5. ovog Pravilnika (u daljem tekstu: novčana naknada) obuhvata troškove rada komisije, a određuje se u zavisnosti od složenosti elaborata, s tim da ne može biti manja od 1.800,00 KM i ne može biti veća od 2.500,00 KM.

## Član 18.

(1) Novčanu naknadu za rad komisije iz člana 5. ovog Pravilnika plaća stranka po čijem se zahtjevu pokreće postupak, na žiro račun Budžeta Hercegovačko-neretvanskog kantona.

(2) Novčanu naknadu podnosilac zahtjeva uplaćuje prije dostavljanja elaborata komisiji na pregled, što dokazuje kopijom uplatnice.

## Član 19.

(1) Novčana naknada za rad komisije iz člana 2. ovog Pravilnika obuhvata troškove rada komisije, u zavisnosti od vrste istraživanja od interesa za Kanton, i prema vrsti i složenosti dokumentacije koja je predmet revizije, s tim da ne može biti manja od 3.500,00 KM i ne može biti veća od 4.000,00 KM.

(2) Kod posebno složenih predmeta, koji zahtijevaju više uviđaja na licu mjesta (prethodni i naknadni uviđaji), naknada iz stava (1) ovog člana može biti uvećana najviše do 30% maksimalnog iznosa svakog pojedinačnog kapaciteta.

(3) Visinu novčane naknade utvrđuje ministar na osnovu troškovnika, kojega sačinjava predsjednik komisije, uzimajući u obzir vrstu istraživanja od interesa za Kanton, vrstu i složenost dokumentacije koja je predmet revizije i uloženi rad komisije.

## Član 20.

Troškove rada komisije iz člana 2. ovog Pravilnika snosi Ministarstvo.

## Član 21.

Od ukupno uplaćenog iznosa novčane naknade isplaćuje se do 70% kao naknada članovima komisije koji su vanjski saradnici za rad i podmirenje zakonom propisanih poreza i doprinosa, a za članove komisije koji su državni službenici i namještenici u skladu sa

Odlukom Vlade o načinu obrazovanja i visini naknade za rad stručnih komisija i drugih radnih organa obrazovanih od strane Vlade HNK i rukovodilaca kantonalnih organa državne službe ("Službene novine HNK", broj:7/06).

## POGLAVLJE VII. PRELAZNE I ZAVRŠNE ODREDBE

### Član 22.

Listu iz člana 3. stava (1) ovog Pravilnika ministar je dužan donijeti u roku od 3 mjeseca od dana stupanja na snagu ovog Pravilnika.

### Član 23.

Do donošenja liste iz člana 3. stava (1) ovog Pravilnika, u komisije će se imenovati stručna lica – revidenti sa Liste stručnih lica sa kojih se imenuju članovi za rad u stručnim komisijama Federalnog ministarstva energije, rudarstva i industrije.

### Član 24.

Ovaj Pravilnik stupa na snagu osmog dana od dana objavljivanja u „Službenim novinama HNK“:

Bosna i Hercegovina  
Federacija Bosne i Hercegovine  
Hercegovačko-neretvanski kanton  
Ministarstvo privrede

Broj: 07-04-02-233-2/12  
Mostar, 04.09.2012. godine

MINISTAR  
Amer Zagorčić, s.r.

390

Na osnovu člana 55. stav (2) tačka b) Zakona o organizaciji uprave u Hercegovačko – neretvanskom kantonu („Službene novine HNK“, broj: 9/09), te člana 13. stav (3) Zakona o geološkim istraživanjima Hercegovačko - neretvanskog kantona („Službene novine HNK“, broj: 7/11), kantonalni ministar privrede, d o n o s i

## PRAVILNIK

### O NAČINU VOĐENJA EVIDENCIJE I IZRADE KATASTRA ODOBRENIH ISTRAŽNIH PROSTORA U HERCEGOVAČKO - NERETVANSKOM KANTONU

## DIO PRVI – OPĆE ODREDBE

### Član 1.

#### (Predmet pravilnika)

Ovim Pravilnikom propisuje se način vođenja katastra odobrenih istražnih prostora, sadržaj, način vođenja, forma i unošenje podataka u Evidenciju o zaprimljenim zahtjevima za odobrenje geoloških istraživanja, te sadržaj, način vođenja, metodologija i unošenje podataka u Katastar istražnih prostora za koje je izdato odobrenje za geološka istraživanja u Hercegovačko - neretvanskom kantonu.

### Član 2.

#### (Definicije)

Izrazi upotrijebljeni u ovom Pravilniku imaju slijedeće značenje:

a) „mineralne sirovine“ u smislu ovog pravilnika su mineralne sirovine navedene u članu 3. Zakona o geološkim istraživanjima Hercegovačko - neretvanskog kantona (u daljem tekstu : Zakon );

b)“Obrazac“ označava obrasce 1. i 2. , koji su sastavni dio ovog Pravilnika;

c) “privredno društvo – investitor“ je privredno društvo kojem je u skladu sa Zakonom odobreno da ulaganjem vlastitih sredstava osigura geološka istraživanja na istražnom ili eksploatacionom prostoru;

d) „odobreni istražni prostor“ je prostor ograničen prelomnim tačkama sa vrijednostima koordinata za koje je kantonalno ministarstvo izdalo rješenje kojim se odobrava istraživanje;

e) „privredno društvo ili javna ustanova“ je stručna institucija koja se bavi geološkim istraživanjima i koja je registrovana za obavljanje djelatnosti iz oblasti geoloških istraživanja u skladu sa zakonom.

### Član 3.

#### (Mineralna sirovina)

Mineralne sirovine, u smislu ovog Pravilnika su:

a) nemetalne mineralne sirovine – abrazivi, azbesti, barit, bentonit, bijeli boksit, cementni laporaci, dijatomit, dolomit, disten, feldspat, fluorit, gips, grafit, kreda, krečnjak, kvarc, kvarcni pijesak, kvarcit i ostale silicijske sirovine, keramičke i vatrostalne gline, keramziti, škrljci, liskuni, magneziti, opekarske gline, pirofiliti, sumpor, tuf, talk, talkni škrljci, tehničko - građevinski kamen, arhitektonsko-građevinski kamen, ukrasno i poludrago kamenje, šljunak i pijesak za građevinarstvo van vodenih tokova;

b) sve sekundarne mineralne sirovine koje se pojavljuju kao neiskorišteni ostatak dobijanja,